

903

hominibus apparuit I. Tim. III. 16. A Domino factum est istud,
Est mirabile in oculis nostris: Hec est dies, quam fecit Dominus,
exultemus & latemur in ea Psal. CXIX. 23. 24. In resurrec-
tione Christi latet omnium beneficiorum salutis & gratiae fun-
damentum, patet hic omnium beneficiorum divinorum argu-
mentum, & scatet inde beneficiorum omnium complementum.
Nec id sine causa. Jesus resurrexit, qui nos sua resurrectione
salvat, dum nostra vita, nostra resurrectio, sic fieri dicitur Joh.
XI. 25. & sicut mortuus est propter peccata nostra, sic etiam propter
justitiam nostram resurrexit Rom. IV. ult. Christus resurrexit, qui
plenus est gratiae & veritatis Joh. I. 14. & nos sua plenitudine
coronat, ut ex ejus plenitudine nos quoque gratiam pro gratia
semper accipere queamus v. 18. Quid de causa maximum Re-
surrectio Christi Mysterium. Nescit homo, nescit Angelus
viam, modumque Resurgentis, solus DEUS tanta mysteria per-
spicit. Procedit e morte Christus in vitam, o quanta mortis &
vitae distantia! Abiit e sepulchro vivus in infernum, & creaturis
inferioribus vitae maiestatem atque potestatem ostendit I. Pet.
III. 18. quam viam nemo vivus unquam penetravit. Redit ex
inferno rursus in sepulchrum, & e mortuis resurgit, ac itinera
paschalia suscipit, dum modo hic, modo alibi, suis discipulis &
aliis fidelibus apparuit, & mysteria paschalia non credentibus
infirmis exposuit. Haec omnia nobis, nostraeque restitutioni de-
stinata, nobis, nostraeque tum informationi, tum adificationi
deputata, nobis, nostraeque meditationi consecrata. Quare
dum hoc tempore Paschali nunc aliqua sacris Meditationibus
ansa data, tempori servire, Memoriamque Resurrectionis Chri-
sti repetere placet. Christus, nostra resurrectio sit nobis Vita,
Veritas & Via!

I. Dum hac occasione de Resurrectione Christi Disputatio-
nem aliquam Theologicam conscribere suscipimus, fundamen-
tum aliquod sacri laboris authenticum eligimus, & ad Oraculum
Pauli II. Tim. II. 8. cuncta laboris capita referimus. Notatu
certe, consideratuque dignus est Aphorismus hic Apostolicus,
dum verborum brevitate, mysteriorum gravitate, rerum, fru-
ctuumque saluberrimorum ubertate se commendat. Non enim